



大鴻山房遺藁卷八

長沙黃湘南一吾著

曝書

溆浦講稿

大清書局藏

家門昔全盛我祖勤誥謀積書頗充棟經史兼墳邱淵
源及我父仕學光前修秘本京華購典冊官署搜清風
指卷軸捆載隨歸舟道山一旦赴萬事如雲浮縹緲平
散佚浩劫秦火畱寥寥數百卷殘缺堆案頭終年飽蟬
蠹暇日一枝僻愴然感手澤何時紹箕裘

小園

小園幽更爽獨步曉涼初茂樹深藏鳥平池靜躍魚豆

大鴻山房遺藁卷八

棚和露摘瓜地帶雲鋤欲學漢陰叟忘機且自如

月下獨歸

清暉送我歸路與松陰轉蛙聲隴畔喧蟲語草根輓柴

門不見人但聞隔籬犬

煙村二首

溪風到枕眠難穩林雨沾衣酒乍醒柳色忍從愁裏見
鶯聲偏向闌中聽

煙村雨足滿嘉禾淺綠因風起嫩波忽聽鄰翁話農事
今年豐歉竟如何

野性

野性安吾拙閒情與世疎吟餘頰展卷讀罷更揮鋤
竹通仙鹿疏池種妾魚山林經濟在隨地足相於

念修堂有懷先外舅抑齋先生

誦讀人何在惟留昔日齋苔痕經雨綠依舊上空階

雨後江漲自長沙泛舟歸碑市經宿得句六章

曲岸風迴雲影合平沙雨過浪痕交推篷不覺斜陽暮
斷續蟬聲出柳梢

天光水影共澄虛不讓琉璃萬頃餘絕勝南徐清麗地
紅船一帶賣鱖魚

飛流逆溯勢偏難十里篙聲近瓦官遠樹參差畱翠杪

大瀉山房遺藁

卷八

低峯沉沒失青巒

小泊車塘步落暉一痕新綠上苔磯江鄉晚景堪圖畫

碧柳陰中白鷺飛

磨盤灘上水聲急蘆蓆港前波影長坐惜嘉禾千隴掩
人間何處問滄桑

甲寅橋畔酒帘翻石罅維舟暝色昏小別山齋不多日

半溪新漲繞柴門

聞陶山自都門歸

夏雨一竿絲南園綠成茵臥疴情不適况乃思故人壯
遊寄齊魯八載違音塵昨聞躡春官扁舟返湘濱殷勤

見存問獲叙平生親奈茲一水隔咫尺同胡秦停雲意
瀲灩徒倚傷我神

清溪二首

清溪雨後覺晴佳十里平流鏡面揩彷彿若耶人乍遇
遠山如髻樹如釵

舟行樂曲見人家指點河陽酒垆斜好是柴門煙景暮
紅霞一抹點寒鴉

南園

南園五月蝴蝶翻葵花漸少榴花繁黃梅雨過猶澌澌
濛濛庭院朝復昏近聞陰蟲作災異嘉穀芄芄就萎悴
大瀉山房遺藁

卷八

三

不有醜靈布陽威煦姬何由返生意奈何屏翳日相虐
霖霖不改陰暄氣况復積水浮溪流泛濫半没卑溼地
吁嗟農夫情可傷縣官早晚催輸將酒漿供億奚敢後
隴西小醜方跳梁

時聞回
部蠢動

前溪

尋芳每愛到前溪碧柳陰陰碧草齊爲惜飛花過橋去
一林紅雨子規啼

讀南華經

夏木繞茅屋枝葉交扶疎眾鳥方和鳴逸韻滿階除開
我甕中酒剪我園內蔬飲罷一相和隱几陳我書流覽

內外篇勝觀濠上魚養生義有屬齊物言不虛世路多
屯蹇進退徒越越曷學蒙莊子逍遙終自如

納涼

晚來移榻坐方塘碧淨玻璃好納涼一陣香風翻翠影
藕花深處戲鴛鴦

南浦謠

江流淼淼煙濛濛蘭舟蕩漾隨長風中流影動日初出
霞光貼波波更紅圓荷的皪露珠碎續紛比似離人淚
慢曳羅裙還獨歸汝頭妍殺鴛鴦

大暑日讀秋水

大瀉山房遺藁

卷八

四

時當大暑蒸羲晷清簟疎簾人正起坐久涼飈習習生
窓前一卷吟秋水

咏蟬

居高惟吸露應候自吟風孤潔傳清韻蕭然溽暑中
細雨聲偏急斜陽響更頻自鳴還自己非是悅時人

苦熱行

日行在柳陽氣凝銅鉦膊膈生芑稜燦石流金百草死
微颺不動煩暑增空堂几席經鍛鍊兩手若炙安能憑
褫衣解帶汗如雨雖有蕉扇涼何曾僵卧起坐無一可
以在鼎鑊方上蒸夜來枕簟熱於晝營營况復多蚊蠅

將欲遺世而獨立未有雨翻難飛騰既乏青松與短壑
吾鄉又苦無層冰沉李浮瓜泐莫得狂飲河朔還未能
連月霖霏勢大甚溪流漲溢山摧崩吁嗟炎灼復若此
烈日苦雨如相乘何當清風颯沓至驅去酷吏寰宇澄
冷然爽氣慰黎庶山人亦得安寢興

暑夜過李觀光舍

山齋已黃昏暑氣尙熏灼掩卷相過從主賓且行樂團
坐向中庭解衣共盤礴大笑復高歌咳唾珠璣落明月
漸東升清光下危閣溶溶滿院浮花影殊綽約白眼望
青天招彼雲中鶴乘風歸廣寒不受炎威縛

大瀉山房遺藁

卷八

五

富貴焉可希

稚子牽我衣逍遙出荆扉林煙暮霧織夕陽閃翠微窮
巷犬忽吠野老村外歸相見且復住談笑情依依畢然
緬懷葛富貴焉可希

六月八日試新作

六月穀熟新可嘗田家處處陳酒漿山妻治具厨下忙
嬌兒稚女拳我裳杯盤羅列歡相將欲持匕箸忽不憚
今歲霪雨何太劇昨聞大水淹茶陵漂蕩戶口盈千百
長沙卑溼從古嗟幾處膏腴變川澤至今陰暄浮寒碧
簷溝如繩鳴向夕盛夏翻覺景蕭滅我欲驅去屏籬見

羲和廣照四海登嘉禾蒸民乃粒無偏頗但使閭閻鼓腹皆歡樂吾身未必餓死填溝壑

蘊隆

蘊隆長晝苦難勝入夜猶嫌暑氣蒸坐久微涼生小院
碧天如水月初升

寄呈臨武學博世父賁齋先生

隱德推王湛雄才繼鄭虔作人沾化雨愛客坐寒氈自
別光儀久遙聞道履堅鱣堂勤著述日夕展章編公著
竟作依劉客登樓自賦詩箕裘懷舊業骨肉寄遙思失
學嗟何及爭名感易滋終期借風浪不負少文知

大瀉山房遺藁

卷八

六

薄暮

薄暮滴殘雨蕭蕭風滿堂蟬聲出高樹鳥影度迴塘藕
斷銀絲細瓜調玉液涼興來還獨酌煩暑坐中忘

俯仰

睡起倚南窓日午槐陰轉讀罷開柴闥逍遙縱遊眇嘉
禾萎平疇蠶豸黃雲卷薜荔縈綠林荷葉肯清淺愛此
長松林好風送餘善跌坐忘歸來夕陽下西蠟暑氣悠
然消逸爾塵慮遣平生邱壑心俯仰自舒展

宿大目寺

言就禪房宿高樓切太清開窓延月色拂枕到溪聲夜

靜妙香蒲山空虛籟生夢回發深省不待曉鐘鳴

大呂寺樓中對月

危樓臥雲宵夜氣浮禪院須臾明月升清光四山徧簾幕影玲瓏虛空眾妙現豁然悟本來心明性自見

雨過

雨過空山暑氣微夢回亭午出柴扉千章夏木黃鸝囀一帶江田白鷺飛靜裏涼颼生草閣閒中清興付苔磯隔溪坐聽疎鐘響滿地蛙聲送落暉

夏杪遊大目寺

盛夏蒸赫曦兀坐身如熾薄暮隨步來乘輿至初地境大瀉山房遺藁

卷八

七

幽謝囂塵樓高爰涼吹入夜闌靜香禪牀且假寐清晨禮石龕金爐結煙穗四壁輝丹青莊嚴布金寺移時振法鼓噌吰藏勝事梵唄聲悠揚悟我三生意坐使煩暑消天風冷然至豈知清淨場翻多是非累寄語空門人勉哉息諸僞

時寺有訟事

過等覺寺訪映雲上人不值

冒暑叩空門來聽碧雲語不逢說法人滿院飛花雨

贈慧日映雲弟子

妙年慧業自前生乍接清談暑氣清好向菩提參等覺宗風莫止擅詩名

六月二十二日交秋作

炎曦正苦夢難成忽聽梧桐落葉聲小院乍驚涼氣至
幽人漸覺葛衣輕風飄茵菖隨波冷雨洗菰蘆映水明
坐對滄江適吟興蕭寥莫漫動秋情

觀田家刈稻

秋氣潛交溽暑天閒看農事度南阡腰鎌人在黃雲裏
打稻聲傳白社前早卜 熙朝無歉歲從知勝地有康
年羨他百室豐盈樂賣賦何由買薄田

新秋

暑退清商至從茲景物遷蛩聲低繞砌雁影遠連天綠

大鴻山房遺藁

卷八

八

雨迷江柳香風落沼蓮有懷同柱老秋興已成篇

祝融隨節遊二首

祝融隨節遊暮收應秋翔商飈掃酷暑白日生微涼寒
氣白露下清輝明月揚朱華倏欲落綠草萋欲黃鴻雁
號中野蟋蟀吟曲房撫時意難適感物情彌長願言歌
九辨搖落行自傷

有聲自西南淅瀝復蕭肅乍薄庭中梧徐敲窻外竹往
來如有情殷勤吹茅屋屋中有高人抱影守孤獨如彼
漢宮扇棄捐忽隱伏感此秋風涼俯仰日煩蹙

擲罷金梭淚眼迷銀河又見鵲橋齊休嗟薄命多離別
已勝蟾宮后羿步

玉珮金裙渡絳河歡情莫問夜如何人間暮暮朝朝會
爭似仙期萬古多

長日

長日無塵役書窓道味深窺幽篔簹雀下破寂亂蟬吟香
香懷同調悠悠惜寸陰山中秋意早爽氣滿園林

送友人之虞州

冒暑發清香探書指酉陽危灘衝石急峻嶺入雲長地
扼桃源險風生蕙苒香舊遊回首在夢裏逐征航

大瀉山房遺藁

卷八

九

喜眠雲上人見過

憶昨松門誇勝緣別來魂夢相縈牽花深院靜月初上
燭暗堂空人未眠野衲多情赴舊約良宵雅集忘炎天
悠然並坐味禪旨結社何當追白蓮

假石山

劇得雲根秀巖孝庭前位置本天然堆青乍訝峯巒起
鑿翠還疑洞壑連勢可凌空纔拔地遊難躡足恰齊肩
憑欄早樞登臨意醉後摩挲興欲顛

非同培塿自鍾靈秀聳奇峯似起丁積蘚如皴痕隱約
含風有窳影瓏玲功殊一質偏施巧地擬三山儼肖形

幾縷茶煙簾外裊，潭疑出岫暮雲青。

初秋塘上納涼

何處納涼好，池塘孤坐餘。斷虹含雨暗，斜日入林疎。眼
色生青嶂，香風散綠渠。乍驚秋意至，搖滂此爲初。

索處

索處經時斷，往還蕭蕭夜色滿。柴關卧聞落葉驚，秋早
坐對殘燈覺。夢慳書劍可憐拋，歲月庭幃猶是隔雲山。
伶娉長作依人客，百感中宵淚自潸。

秋夜曲

一夕梧桐落金井，圓穹墮下秋光冷。中庭影動月初明，

大鴻日房遺藁

卷八

十

寂寂蕭蕭銀漏永，佳人獨宿怯衾單。忽憶邊關人更寒，
却出簾櫳理砧杵，搗罷征衣淚如雨。

湘中一首贈蘭坡

湘中才調屬夫君，夢裏先驚手有文。洛水書碑王大令，
蕪城作賦鮑參軍。猖狂淚豈窮途灑，特達名當壯歲聞。
日日相從詩酒地，佇看躡籥上青雲。

蘭雪書屋二首

久欣地主有臯通，部署新來十笏中。几榻塵清分左右，
圖書字古列西東。爐熏鵲尾輕煙裊，硯滴蟾蜍宿墨融。
絕勝梁鴻居廡下，蘭香雪白語誰同。

悠然仙境似方諸習靜參幽獨坐餘烏送清音風入牖
花移淡影月臨除忘情自續潛夫論得意頻摹內史書
莫笑山居遺世事紅塵役役定何如

黑甜

北牖風來涼滌暑黑甜鄉裏酣如許夢回枕簟晝何長
蟬聲滿院無人語

與家獻甫弟集清陰書屋

薄暮坐西堂暫此慰幽獨微風動碧梧涼雨滴修竹
七月既望薄暮泛舟赴郡城

江村向暮暑全收習習輕風放小舟斷續蟬聲吟夕照

大瀉山房遺藁

卷八

十一

滿林黃葉入新秋

水光露氣接天浮一片空明夜色幽可似東坡遊赤壁
清風明月兩悠悠

過葆光堂故居

此是先人宅經過欲斷魂可憐新綠篠猶傍舊朱門闌
闕家聲墜詩書世澤存兒時嬉戲處堂構忍重論

中秋

酒滿芳尊入夜傳招邀佳節劇堪憐簾櫳風起秋纔半
池館燈殘月正圓好景當前容易過閒愁壓枕苦難眠
庭幃萬里同今夕綺席斑衣憶往年

送蘭坡同伊中丞之豫章

載筆洪都去，眞隨棨戟行。
瀟湘秋水至，彭蠡暮潮生。
碧樹繁江閣，青山對郡城。
風流高幕府，到處瑣詩情。

送友人之渠陽幕

險絕渠陽路，眞如蜀道難。
春舟高浪湧，繞郭亂峯攢。
野俗傳瓠，苗疆入漢官。
勝遊君且去，冰署好盤桓。

九日二首首律次少陵登臺韻

寂寞蕭辰賦，自哀登高欲去且遲回。
空山落葉猿聲急，極浦寒雲雁陣來。
未免陶憂成楚客，徒勞遠夢憶燕臺。
重陽五度長爲客，愁對黃花酒一杯。

大瀉山房遺藁

卷八

十一

獨坐荒齋感暮秋，佳人強起一登樓。
清狂未厭風吹帽，爛漫須教菊滿頭。
萬里關山飛海燕，百年身世等沙鷗。
興來不惜深杯飲，醉把茱萸散客愁。

和徐明府八老絕句有序

王子安有言，老當益壯，苟雄心之不墜，詎乏亨途。或妙悟之，獨參豈無勝境，特拈新句以矯前章。六合茫茫，千秋杳杳，有數桑榆之晚景者，尙當破涕而爲笑矣。

可廬况味得來眞，策杖何愁白髮新。
婦子嘻嘻人世樂，

陶潛原是葛天民。

老農

風塵宇落歲華催博得腰纏十萬圓檢點鄉音猶未改
兒童林間客何來老童

一箇吳綾席上收此生生活已無憂好從榮子娥華髮
莫向雍門泣白頭老伶

繫來過客悲楊柳銷盡春風怨蕙蘭面壁若能參究竟
不教涕淚溼闌干老妓

十年梵宇鬢毛斑明鏡菩提悟等閒會得塵埃無處染
清風鎮日繞仙山老袖

負劍囊琴感昔因白頭戀戀共艱辛憐他別有殷勤意
肯把心肝奉主人老僕

大鴻山房遺藁

卷八

七

漫將日暮怨途窮嬰鏃還如昔日雉委任但能同魏尚
猶堪一戰守雲中老將

兀兀長年舌代耕便便腹笥笑先生青雲皓首無多路
爲報龍頭屬老成老儒

與李覲光秋夜泛舟紀事

茫茫新浦放孤舟逸志閑盟水上鷗供奉文章清類月
陽冰氣度爽如秋買山難覓千鍾粟面壁姑懸百結裘
迢遞江湖同寄迹人間何處是瀛洲

月夜

夜月明如水天階寶鏡懸疎簾光欲透小扇影難捐

夢迷蝴蝶秋風悵杜鵑銀蟾如可掬羽化便登仙

望嶽麓

嶽麓秋深口扁舟客去初神碑千古在老樹六朝餘欲
問孤臣館誰尋君子居自來憑弔意遠望更躊躇

卧病

卧病經時閉戶深清秋同暮始登臨一村黃葉爭春色
十里紅樓響急碯酒濁難消憑弔恨菊香易惹別離心
年來舊雨無書札索處聊爲蟋蟀吟

一片

一片楓林策杖來斜陽照處錦成堆不知昨夜濃霜下

大鴻山房遺藁

卷八

南

道是春花二月開

喜天池桐軒二弟自都門至仍送其北上

寂寞憐予病流離喜汝歸年華驚迅速笑貌辨依稀旅
邸留長缺征途澆素衣尊前談舊事南北淚頻揮
幾日成良會臨歧意惘然葉飛湘浦樹人上洞庭船好
竭慈幃養休教舊業捐金臺魚雁至莫惜尺書傳

雪

朔風來何急漫空六出飄白光生屋角暗氣壓山腰撲
頭凍初合添衣寒未消橋亭看舞態悵望鎖無聊

映雲上人以詞見懷賦寄

有客傳遙訊懷予寄短歌清言如面接白社幾時過出
剗雪中老梅花香更多禪關足佳趣吟望定如何

夜坐呈長原兄

寒夜沉沉下簾幕疾風冷雨燈花落弟兄促膝方深談
刺刺不休情緒惡如君毀齒觀羣書揮毫落紙神鬼沮
學富文高尙轆軻身無長物家無儲高堂團聚信堪樂
舌耕心織空嘉魚伶仃我更甚慈幃隔千里行者嗟流
離居者少生理捉衿衲履一週首曾是清貧太守子却
思家家郊與邠斷齋飯無幾時又思蘇家軾與轍一
朝制舉聲各埒丈夫立身貴自厲眼前飄零不足計與
大瀉山房遺藁

卷八

五

君拔劍歌莫哀美酒十千且盡醉

星沙冬夜與諸弟夜話時北行有待僑居客舍

一從判袂分南北兩地飄零逐轉蓬笑語每親魂夢裏
盤飧重聚客樓中高堂回首情方切舊事關心恨未窮
挑盡寒燈忘夜永爲憐此會太匆匆

送錡門兄之岳州

客行當歲暮雨雪獨揚舸水落連湘浦天低入洞庭焚
香依庖幕作賦弔湘靈好向危樓望風光昔共經

自郡城歸見李時純札并近作一帙賦寄

客遊歲云暮歸來情不得案頭見君札開緘思有餘聞

意扶蘭芷妙句諧瓊瑤何當惠然至談詩慰離居

久不見文栗齋先生寄呈

星波一別繫離思數載園林病起遲未許簪纓妨老景
直將詩酒答清時頻開講席蘇湖繼獨抱遺經子弟知
何日侯芭重問字草元亭畔快追隨

對雪二首

入臘初無雪續紛灑昨宵凌晨飛更急盡日積難消乍
覺梅花落渾疑柳絮飄柴門無客至乘興向誰邀

漫效袁安卧蕭條壯志非微添寒浙浙更帶雨霏霏楚
澤春將到燕臺信轉稀還憐諸弟在咫尺尙睽違

大滄山房遺藁

卷八

去

廿四日交春作

六度辛盤會風光斲水春誰憐憔悴意猶是寄籬人

四憶詩甲辰除夕作

一別慈闈歲月深今宵倍感望雲心遙憐白髮應殊舊
笑語難憑夢裏尋

憶老母

薄宦風塵少足踪燕雲越樹路千重清貧依舊如南阮

合向殘年憶仲容

憶諸叔

數載鶴原別恨賒歸來燕市已無家傷心旅邸憑誰問

兄弟淒涼度歲華

憶諸弟

燈前獨坐感離羣千里曾無一字問交誼豈因窮達異

何時尊酒細論文憶諸友

元日

漏轉千門曉天開萬象春韶光隨雨潤答思與時新簪
組聲難振庭幃夢覺眞梁鴻徒寄廬王粲竟依人落拓
猶多病艱辛祇耐貧妻孥容我做詩酒使情親漸覺華
年逝終期壯志伸椒盤欣自頌相賞及芳辰

擬古歌二首

江上雪滿林隈丹楓自落梅白開
冷香凝清漏歇開簾無心見明月

寄呈賓門先生

大瀉山房遺藁

卷八

七

誰似歸田太史才勞箋調墨日勞哉等閒尺幅人珍重
會有高麗使者來

首夏述懷代東樸齋茗漁吹亭荻漁諸子

旅邸三春盡鄉思萬里深北堂憂未釋南阮恨難禁共
灑窮途淚誰憐遠客心登樓還作賦鼓瑟少知音浮世
惟看劍名流合鑄金一鳴愧凡骨何處託瑤林樹擁泉
山翠雲連楚岫陰雙魚逢驛使遙寄靳江潯

呈上齋叔父

一別慈顏歲月遲西泠重聚暮春時尊前嘯傲情猶在
夢裏悲歌感易滋往事升沉渾莫挽他年窮達總難知

深談日久還相慰努力終當慰素期

呈玉環任司馬二首

望高仕籍學兼優海國循聲別駕畱異政早能見馴雉
名區從此起驍驪生成氣骨介於石鍊就心肝清似秋
帛日當途共推轂黃堂紫綬拜諸侯

飄零琴劍爲貧馳白眼茫茫少舊知鼓瑟徒工非世好
懷書欲滅任人嗤丈夫意氣江河決塵海功名富貴遲
喜遇順風吹倦翮此生準擬託高枝

大滄山房遺藁

卷八

文

大瀉山房外集卷九

鄧南坡技麟之燕草詩序

詩以言志者也以窮愁而工亦以行役而工古大家如
杜工部韓昌黎集中強半皆行役之作豈不以山川雲
物憑弔因之而旅況之寂寥鄉思之膠轕有振觸而不
能自己者哉吾楚距都門三千里而遙其聞舟車所經
若岳陽之洞庭襄陽之峴首光武諸葛之故里封人子
產之遺鄉以及大梁歌舞之邦邯鄲豪俠之地名區勝
蹟未可僂指數余丁酉冬亦有燕臺歸草一集僅以寫
其中心之振觸其於山川雲物固未能增色於萬一也
大瀉山房外集 卷九

一

南坡於余爲內表兄弟績學好吟余自少從宦耳具名
者久昨歸旣得謀面唱和無暇日爰讀所著之燕草其
聲和以雅其格古以逾如絃在桐調之而愈永如金在
冶鍊之而彌堅發舒胸臆北征之遺則也流覽形勝南
山之餘韻也駸駸乎造韓杜之堂而躋其截視余所作
不啻泰山邱垤河海行潦之相懸也故樂爲序之一吾
黃湖南拜譔

次黃石櫓見贈原韻

湘潭釋本照竹軒

肥遯經年一念癡偶從塵外訂相知憐君驥子成名早
愧我屠兒作佛遲泉石無聊供茗飲煙霞有癖老詩思

碧崑未了三生願同向深林借一枝

石櫓將之金陵寫懷贈別

釋本照

茫茫四海欲何之意態蒼涼攬轡時命不由人窮有鬼
才難作主拙堪師牢愁且付千鐘酒感慨都歸一卷詩
破浪平生矢忠信莫言前路少相知

秋山晚眺寄懷石櫓客中

釋本照

沈寥天氣動悲風獨倚危樓悵望中煙戶一村流水碧
晚山無數夕陽紅人於楚澤思香草詩憶吳江寫落楓
自嘆行踪羈縲甚遙天萬里羨征鴻

遊嶽麓作寄石櫓

調永遇樂

釋本照

大瀉山房外集

卷九

二

秀潔孤峯瀑花吹雨衲衣都潤怪石疑傾懸崖欲墮日
午鐘初應草帶龍腥藤蟠鳥跡寂歷空山人靜趁輕裝
白雲扶杖一望瀟湘如鏡 宋杜詞源朱張壇坫入谷
書聲猶韻茂苑豐碑遊人到此歷覽前朝盡泛夜漁歌
隨風梵響長帶江山遺恨問誰是謫仙塵世五雲應近

與石櫓話舊感懷

調滿江紅

釋本照

落落窮途嘆吾輩青春能幾自古移山填海英雄都已
勦破黃梁蕉葉下打開白業蒲團裏且歌眠一枕晚雲
天神仙里 塵寰內年光駛松林上煙霞起任今來古
往別離悲喜著戰千杯蒿目放詩吟七字蓬心啟勸諸

君走馬向長安休遲矣

新江書屋有懷石櫓

調陽臺夢

釋本照

流光屈指今餘幾昏昏頭白殘燈裏紙窻風裂乍孤眠
聽譙樓更起 蕉陰題字處會記曲欄同倚關山今夜
月華明可惜人千里

夢石櫓

長相思

釋本照

陣風輕嫩涼生脈脈清宵睡不成階前蟋蟀聲 思知
音藪知音水遠山遙無限程夢來何處尋

哭黃石櫓

釋本照

綰紵相投憶昔年夜臺無路到君前白雲望斷天涯遠

大瀉山房外集

卷九

三

泣向荒郊化紙錢

未奠靈牀意暗嗟慧人生死等空花酬君一卷蓮經力
此去重生長者家

辛酉暮春重過新江書屋吊寶門太史及石櫓茂

才

釋本照

憶別潭門已十霜重來此地意堪傷驚看里閨居人改
更吊風騷故友凶座上杳無新墨迹壁間猶有舊詩香
思量往事今如昨零落浮生兩鬢蒼

煙外樓臺郭外亭昔年曾此聽遷鶯春風楊柳剛三月
流水桃花便一生前輩儀型原似夢故人踪跡最關情

黃墟不盡滄桑感休待山陽笛裏聲

丙午都門聞黃一吾客歿杭州詩以哭之

善化唐仲冕陶山

天上玉樓成必召奇才爲作記何如弗令來塵凡免使
倉皇中道棄黃子才如李昌谷苦探笑囊便腹笥憶昔
聯牀論文史如子海內不三四尊甫方守北門鎗賢昆
並躍千里驥詎知人事驟變更坐合戾戾摩天翅一自
別薊門十載如夢寐前年買榜歸湖湘更驚著作淮南
字方期爾我尙年少良會他時好相值忿忿飢驅走燕
齊落落行踪倍顛顛時從風雨撫幽琴天際真人若可

大瀉山房外集

卷九

四

跋偶逢舊銀鹿輒問近游事云子遊餘杭委頓紆下利
阿窰窻前候炊黍大阮牀頭費藥餌吁嗟玉折蘭委地
我乍聞之心悲悻如此人曾不四十豈真造物小兒忌
况喪其足如遺土尊足者存今安寄孤山梅平湖菱三
休亭五雲寺魂兮往來自與香山昭諫和靖踰明共遊
戲知子氣若錢塘潮愁我情深雍門淚世路幾人能知
心終古無緣重把臂吁嗟黃子今已矣何年歸櫬瀉山
埀何年酌墓炙鷄漬急語親故檢遺藁莫使姁才投瀾
則

壬子郡城晤一吾兩郎感步前韻 唐仲冕

吾生總列交存否常暗記猶聞籥笛思安忍騎履棄一
吾風雅更吾師問絹銘闕誇經笥中年賣志江海邊聞
而哭之凡數四昨與諸舅接笑言得見二子人中驥相
逢破涕亦傷懷轉憶征鴻同鼓翅十五年前燕都遊連
朝達暮不遑寐一日和成百篇詩一夕題殘四壁字旁
觀嘆息何專迂那知一別不再值明年忽得粵東羅蒙
道中書翫縷道媿神不悴江月蒞蒞付西風芙蓉影衰
人翹跂置書懷袖多歲月偶然檢點追往事人與琴俱
亾我亦風不利每從趙北思倚橋誰共津門看投餌音
徽未沒存遺篇酒酣拔劍歌研地紙墨漸模糊覽誦輒
大瀉山房外集 卷九 五

愁悖急錄詩詞供座間悲哦不顧時俗忌二子頭角何
崢嶸公才公望於焉寄讓美自遜張邵梨亢宗須薦屈
到芟刻暑課讀傍蕭寺大者巖然小不戲况復封胡羯
末萃一門談深喜動翻揜淚身後有知復何憂任付蟲
肝與鼠臂往時傳聞今得實旅櫬早從先兆碑愧余腹
痛劍未懸蓋山鯉沉泉浸漬却信芝英蘭芽自有根豈
如風花上下亂落牆與厠

題一吾大瀉山房遺草卽付其長君花菽世講

唐仲冕

一吾三十歿於越我曾腹痛感倉卒半生精力爲文章

身後聲名定突兀經今又閱十五年夢中追尋疑恍惚
其子本騏湖湘來手捧遺草相迎謁由來卷帙知等身
尙留筆迹細如髮風前展讀揮汎瀾何當檢校付劖劂
本騏自言七歲孤今雖成立勞拊拊有弟本騏頗通敏
但憂貧乏難奮發母氏苦節兼嚴慈營葬課讀彌歲月
我聞歎嘯輒欣然有妻有子爲不歿日吾與君總角交
聯牀意氣何蓬勃君乃遽作修文郎我亦情同厮養卒
卷中懷我車輪轉句裏傷君霜蹄蹶掛劍常思結納深
撫琴倍惜音响歇爲語本騏歸侍母崢嶸莫忘舊風骨
我系執友雖不文他日題君墓門碣

大鴻山房外集

卷九

六

書札

與黃一吾書

唐仲冕

仲冕謹白一吾足下歸夢悠揚生涯濩落每憶蒨庭聚
首射覆指題後此聯句燕南慘孤趙北風朝雨夕無不
促席對牀當時亦謂適然迄今乃嘆爲不可多得之佳
會也天涯比鄰豈必鎮時岑寂所難者不在聚合在吾
輩之聚合耳南旋後續奉一書當已照入生事經營想
能擗擋帖妥吾弟孝友性成當此盤錯糾紛必有以處
之裕如者彼蒼之於殊尤多所摧折往往如此冕非故
爲慰藉乘便示我爲視河山數千里雲樹幾萬重囊中

定多珠玉莫惜鯉魚一雙何如晁桃梗白浮鴻爪莫定
客夏至易州尉署權作寄籬旋聞家園苦旱家君遊瀾
所如不合魂神爲之飛越者幾一載矣此刻僕人明棟
旣死獨坐空齋惟餘書籍未賣自叱咤童蒙而外吞苦
茗覷孤檠念我同心搔首延竚正未卜旅愁何日釋也
二月十五日仲冕頓首

答黃一吾書

唐仲冕

一函兩札讀之竟日不肯釋手其述情況如聞風雨蒼
涼其叙遊歷有太史公陳同甫之奇氣至其論文章溯
學問源流品古今名家作者優劣則如理蘭絲躡崑崙
大瀛山房外集

卷九

七

岷山登閭風而縲馬又如捕長蛇跨生馬而五雁六燕
也別僅逾年所造就視如愚者不且有上下牀之別耶
古人非窮愁不能著書以自見愚嘗謂屈宋之後必有
作者非足下其誰望寄來詩詞俱極清麗惜所云數百
首未窺全豹然已見一斑矣承獎進多端洵可著蔡愚
亦曾有塗抹癖因聞之前賢云斯事所以發揮胸臆非
有所不得已於中醜繼爲之猶嚼蠟也且畢生精華止
有此數精神所未周率口而出猶之牽絲傀儡剪綵鼠
姑井不耀人目前究何益乎愚故自發憤焚前作後筆
墨不敢輕下卽有一二亦猶是不足比數又凜三緘之

訓勉自闕抑且更號爲一黠本魯直萬言萬當不如一
黠語也又志切鷄豚漫思捧檄不得不從事科舉今古
異宜烏能一身而二任哉詩古文詞姑且置之高閣矣
若一二年後所求必不可獲將廢然而返名山之業非
所望冀得步後塵焉耳寸衷綿邈書不能盡道阻且長
何悵如之伯母到都會一請安惟望足下秋捷計偕得
傾積愫想貢闈間當更許我兩人捉臂也僕僑託枳棘
兩年所矣局促不可以終日脫身京邸苦齧齧鹽貧乃
士之常亦復何所悽惻乎所耿耿於懷者平日談心講
學之人遠在天涯而考道著書千古不朽之業漫付虛
大瀉山房外集 卷九

八

牝耳足下其謂我何三月二十四日陶山唐仲冕自都

中西河沼一黠書屋頓復

復黃一吾

長波 鄧枝麟 翰伯

年將大衍鬚髮星星同庚多有含飴以弄者如君年半
於僕早得雙珠長者已及齠髻幼者亦解讓棗梨矣僕
始夢符脫虜何遲速之壤隔也數年來少暢意事賴有
此聊以博老母驩心我弟勤我有素爲之揚衡拍掌錫
以彫瓊鏤玉之章與長公祝詞天麒麟同一佳奴榮幸
何極何當重儀載錫直合感謝交并設湯餅日親串知
交滿堂滿室獨紅雪詞人不得與爲之悵念俟因公抵

省當重開醜醜小宴請試啼聲也

二

鄧枝麟

接手數以僕不喜蒙莊之文爲嗜好異於眾嗟夫嗜好之難言也以爲異則誠異矣然僕亦有說蒙莊筆意奇奧自成一家亦千古不朽之作然惟逍遙遊可以刪讀自齊物論以下句法字眼未免太好奇太雕琢茫然不知所謂且僕最不耐見者誠堯舜則比之於盜賊毀孔子則以爲苦於桎梏全篇中不可枚舉何好奇至此耶昔人不喜孟子王充作刺孟馮休著刪孟司馬公作疑孟李白作非孟晁以道作詆孟黃次及作評孟孟子一

大滄山房外集

卷九

九

書可繼聖經而不喜者若是之多卽如東坡不喜史記蘇明允不喜揚子歐陽公不喜杜詩而杜子美又不喜陶詩昔人豈無所見而出此則僕之不喜莊亦似無足爲異者僕少時曾欲作詆莊書未成而自毀之蓋有鑒於高續古之作繁露詰或議其該洽有餘而輕薄太過也若必強僕與君同好如飲食然酸鹹辛辣人各有所喜不能強爲同也承惠之燕草序未免阿其所好他日或藉此一朶能行白牡丹之句不寂寞於善和坊裏幸甚枝麟頓白

善化等覺寺有僧名本照號映雲能詩與余舅父劉資
門公元熙友善亡亥初夏資門公邀余與黃一吾過訪
畱連信宿互相唱酬構思甚敏記問頗富在釋子輩亦
可謂鐵中錚錚庸中矯矯者

辛丑冬日與黃一吾同舟過洞庭南嘴湖余望中偶得
句云山趨南嘴盡一吾以爲此景逼真不同湊泊極爲
稱賞因對云水接洞庭寬二語真切當有聲色乃就此
聯各成一律余詩云輕舸泛澄碧蒼蒨生暮寒山趨南
嘴盡水接洞庭寬傍渚漁歌歇排雲雁陣殘湖心一棹
泊莽覺客情難一吾云午發沉江縣微風一棹安山趨
大瀉山房外集 卷九

十

南嘴盡水接洞庭寬極浦澹空翠芳洲生暮寒蕭條驚
歲晚天外雁聲殘

五溪蠻種史傳及諸家皆云高辛女醜槃瓠三年上六
男六女遂蕃衍於楚辛女遂化石去亦何厚誣古人耶
以帝王之女而下嫁於一犬卽謂高辛之合不可不行
亦何難達權而以賤隸代之上古風教未開不應全無
人理至此余與一吾皆以爲不然各賦辛女崖一絕爲
雪沉寃余云指點碎磷是化軀如何浪說嫁槃瓠貞心
萬古臨江水却異山頭日望夫一吾云臨江斗絕一崖
孤霧髯風鬟變化殊自是仙姬厭塵世時人漫說嫁槃

瓠賦罷一吾戲謂余云辛女有知當必有以酬吾輩於
數千載下如巫山神女之見夢於獨孤及也連日順風
揚帆灘行無恙余曰得母辛女之賜耶相與笑粲者久
之

鄧湘泉顯鶴資江耆舊序云黃湘南字一吾號石榴甯

鄉諸生卒年二十九著有大瀉山房詩集紅雪詞集石
櫓先生爲吾友虎癡學博本驥之父幼隨其父靜齋大
守公官天津才名播南北年未壯客死浙之玉環廳遺
詩三千餘首詞三百餘首可謂富矣甯鄉黃氏代有閨
人幾於人人有集而先生抱才早隕未見其止尤爲可
大瀉山房外集 卷九

附錄秦恭人雲驥山莊遺草十首 傳附

原題云隨宦十載追憶平昔甘苦備經悲懼異轍
感遇言懷成七律十章

鏡裏華年一夢看興懷往事半艱難早從護閣悲無恃

日倚霜閣淚不乾自注九歲失恃白馬灘喧秋轉劇自注家莊臨白馬灘

碧梧軒靜夜逾寒自注軒爲母寢室繡餘無限思親意愁對銀

釭照影單

陽晴遙看萬里槎瓊林早歲託葦葭自注時父赴選北行遂託養於舅姑

未嫻內則親供饌且學西陵事續麻顧復全依姑作母

叮嚀先誠婦宜家蛾眉不鬥深閨月對捩還慚舊鹿車
趨庭女誠授緇帷早詠風人淑慎詩自謁廟中成禮後
敢忘閨內食貧時釵荆裙布期無忝壁樹瓊枝相有儀
舉案從茲盟白首雞鳴交警未知疲

笑靨欣從泮沼開筆花吹豔到妝臺聲華早擅屠龍技
詞賦還推倚馬才芸閣香凝千卷笥繡帷春泛百花杯
瑟琴在御懷音好時見雙飛乳燕來

弱冠青錢選在公自注夫年二十天邊捧檄盼飛鴻文以選貢宰燕平

章已許徐劉敵政事應爭卓魯雄封鮮懷思燕塞北憑
魚問訊楚江東夢尋遊子牽衣日帆出瀟湘一葉風自注

大瀉山房外集 卷九

三

夫迎姑就養
余奉以來

正他萊衣春色鮮護花頓委淦河邊自注姑沒啼鵲血於武邑署

瀆湘江水化鶴魂招薊樹煙鐘鼎惟牛徒祭墓衰麻策
蹇趁歸鞭自傷薄命惟予最不及重泉奉二天自注姑與母皆

中年棄世

粵嶠燕臺兩地歸欣然重得侍庭幃自注隨夫扶姑槐歸里時交任龍門

亦以病乞歸 正愁簿領催垂自得向邱園見息機松菊徑荒

棲縞鶴關河驛報泣麻衣自注中途得父訃音墓門載酒悲風木

悵望寒雲隴上飛

旅服重經九月霜驪歌復唱別山莊自注丁酉服旗亭闕隨夫北上

垂柳當年憶官道黃花幾度香故園秋深歌陽結寒江

歲暮泊征航自注舅在皖江江道省艱孫枝連理舍館弄遙望邱原

黯自傷自注舅置雙生兒膝上曰恨汝姊不及見也因泣下

大陸驂停窈子琴開軒時聽泛清音訟庭羅雀談秋水

冰署焚香沁素心宦况偶閒兼課子自注夫子題補鉅鹿地僻民淳幾於

臥俸錢雖薄免售簪時時報到江南雁安不忘危守乃

箴自注舅自江左嘗詩書勵夫

花滿瀛州赤縣春自注河南古稱瀛州羽書絡繹屬通津自注癸未春奉

文謫安民生國計資長策馬足車塵寄此身自注邑當孔道不似鉅鹿

開聚散頻年人易老往來千里夢難真故園未卜重歸

大瀛山房外集 卷九 三

日好最清操贊蓋臣

秦恭人諱邦淑甯鄉人乾隆丁卯舉人廣東龍門縣

知縣抑之安鏞女癸酉拔貢直隸天津府知府靜齋

立隆室而一吾先生母也黃氏家傳云恭人性閒靜

女工針繡之餘嗜古諸名媛詩傳及笄後職婦禮屏

紛華事尊章以敬處妯娌以睦晨昏佐讀之下嘗勵

誓齋公曰丈夫不窮則不達貧乏不足繫懷但期勿

負歲月貽父母憂居恆喜拈句雅不多作亦輒煨

不欲外人見以巾幗非所重於吟哦也靜齋公催科

撫字之外賴以助理閭內剗然不紊沒後公檢拾針

竒忽見長律十章自述生平所歷之境遂刻雲驥山
莊拾遺詩草一卷行世一時名公卿皆有題詠至數
百首湖南女士詩鈔稱其沉鬱悲涼音節自古非虛
語也茲編大澗山房遺藁爲附錄之以見黃氏一門
風流儒雅淵源有自云爾淑浦後學謹瑤謹識

諸城王香杜先生跋云石櫓先生清才不壽予旣叙
其遺集矣寧鄉之黃故巨族先世並以甲科官守令
石櫓清白吏子無餘財又早孤繼母章佳氏復豪俊
祖業爲盡督石櫓甚嚴厲也然石櫓勞而不怨生平
所爲之詩多陟岵之什知者以爲難幼病足不長于

大澗山房外集

卷九

古

行旣補博士弟子員益攻苦爲制舉業屢薦不售乃
以幕游竟客死死年二十九妻劉孺人名光綺湘潭
世家一門四內翰故孺人知書明大義持家政井井
斬斬石櫓以是無內顧憂旣寡子二本騏本驥並幼
稚又無期功強近之親足可匍救孺人鬻釵珥選幹
僕越澗海歸柩數千里外本驥涕泣爲予言石櫓公
所卒曰玉環廳在大海之中公死寄柩蕭寺棺薄易
腐使俟孤子成立然後往迎則無可迎矣言訖悲哀
者久之方柩之歸孺人痛其棺之薄而賤也又不可
更易乃市良材爲外棺而葬焉兩子先後舉孝廉爲

知名士聞以貧就幕大吏莫不欽其才而重其爲人
生平未嘗有外師蓋皆石櫓先生潛德之光之所發
而孺人之所督教也孺人旣知書一門男婦盡嫻風
雅斌斌文耀聲冠南楚本驥暨其叔弟本齡先後出
予門以通家之誼每至輒謁孺人於其室詩書棹栗
並爲門生瀕行又主於其家月餘故知其世爲最詳
因彙記詳著以爲雅話蓋孺人不多爲詩而斷篇零
句輒有風致虎癡嘗爲予誦其絕句云梅花冰雪憶
同居一樣清標命不如冰雪化爲流水去梅花獨向
嶺頭舒蓋孺人母家李劉兩舅母及裴氏姨母皆少

大瀉山房外集

卷九

五

寡李裴先卒劉以年例得旌孺人於其旌日自占致
賀之作也予嘗贈虎癡繼婦陳香雪六絕中有句云
不須更立程門雪家有宣文舊講堂蓋謂此也本驥
字伯良別字耘嘉慶戊辰孝廉以大挑得城步學
博年未五十而卒予嘗爲序其三十六灣草廬集其
詩專主聲調出入有明七子間爲人側儻負才氣言
論侃侃無所屈讓而本驥淳樸質直不知人世有詐
僞之情性穿交游而友益眾好鳩集漢唐以來金石
文字所存不下數十百種多人間所未見著作稱富
有兩人皆有專集已刊行故不復採本驥字仲良虎

癡其別字也夢虎而生故以爲字嘉慶戊辰副榜道光辛巳舉人予所取士也凡三娶婦前謝繼翁並淑慧謝於文史之餘兼工度曲而花耘前配卽劉孺人之姪亦賢而才孺人嘗爲予言花朝月夕烹酒淪茗聽兩婦彈琴搬笛南面王不易此樂也而琴則花耘長女葆儀爲尤工虎癡第三娶婦香雪夫人姓陳氏系詳予所爲小傳寐仙其名也善篆籀虎癡又多蓄金石嘗自教之而性又最慧不數月而工長沙千里幾於家有其書故香雪夫人之名尤著香雪者梅仙自名所居之閣而人因而夫人之也歸虎癡不數年

大瀉山房外集

卷九

夫

而卒卒年三十有三生平不多爲詩既卒虎癡搜其遺篋得數十篇梓而行之曰梅影集而以予所爲小傳與新化鄧湘皋顯鶴所爲墓志銘冠焉時程春海學使恩澤方以文學主騷壇爲手書誌銘刊諸石亦

奇遇也花耘無子以虎癡子迪爲子然有兩女長葆儀名婉瑀慧而好學有父風英偉之氣時見眉宇幼工詩詞尤清麗而琴最著嘗從湖州沈素生隔簾學琴未及一年已盡其藝女弟婉琳字潤儀時年才十齡亦已切宮商諧競病矣虎癡有妹適唐愛堂太守榮諭早卒育其遺女子外家曰婉珠字慧儀劉孺人

字之如葆儀閨中倡和相伯仲孺人嘗延予內室使
諸女孫出拜各以琴詩爲贄適予友張蓉裳學博

家

架女圃在亦淑而文又嘗學琴於葆儀撫弦搦袖洽
洽泮泮信幽閨之雅韻已石櫓先生雖早赴玉樓之
召不克竟其所學似若可憾然其潛德之光闡於風
雅伯埴仲篔蔚然漢詔蘇蘭左芬秀挹香美非特南
楚莫京亦海內所僅聞也視夫庸庸而長年泯泯而
歿世者就爲得失孰爲優劣先生亦可啞然於九泉
矣虎癡抱遺集乞序予旣爲是正時方擬作詩話而
予所見閨秀一門黃氏爲最因采葆儀諸女所作附
大瀉山房外集

卷九

七

而存之而聯綴其世以見雅村之蒼萃焉虎癡又出
其祖母秦恭人詩刻見諸恭人名邦淑乾隆二十九
年卒于河間丞署時石櫓纔九歲靜齋太守彙刻是
編一時題集者皆當時名公巨卿黃氏閨閣多工吟
咏蓋亦淵源有自也石櫓諸孫皆虎癡所出並英英
足當傳視之寄以後來方長不欲限其所到故所作
弗摭錄作序後五日再志

先府君行述

嗚呼自王公鉅卿下至閭里負販之人莫不有父以長以教以至於成人爲之子者亦得朝夕就養以自盡其情獨不孝本騏本驥何辜於天而罹荼毒若此其極也先府君棄不孝等時騏纔九歲驥纔五歲耳童昏無知於府君行事不及見容貌辭氣一無所記憶尙能述府君耶府君享年僅二十有九以諸生終學業科名未及展布人無知者今距府君棄不孝等時又且二十九年矣幽銘陽碣一無所備再不泣請於當代名公如南豐曾氏所謂畜道德而能文章者賜之一言將恐府君之名日就泯滅不孝等之罪愈不可道而抱鮮民之痛終無窮期也夫畜道德而能文章者以史法爲銘必紀其實類不可干以私無論其人之富貴貧賤壽夭必有特絕之行始受其子孫之請非然者雖請必不受雖受而銘之必不能信於今而傳於後府君行事不孝等雖不及見所著大澗山房遺藁具在又母氏平日常以所見聞於府君者訓不孝等一一可印証也府君姓黃氏諱湘南字一吾長汝甯鄉人祖藏臬公乾隆丁丑進士江蘇虹縣知縣諱道恩父靜齋公癸酉拔貢直隸天津府知府諱立隆母秦茶人同邑廣東龍門縣知縣諱安鎬

公之女繼母章住恭人滿洲正白旗四川夔州府知府諱書敏公之女靜齋公子七人府君與殤伯父孿生而時稍後於七人中次第二幼隨靜齋公任年二十養於通道時抑齋劉公諱元煒以廣文官其地母氏其次女也明年歸里丁靜齋公憂又明年母氏攜不孝騏歸里時不孝騏生一歲矣是冬葬靜齋公逾月章住恭人挈諸叔父人都門命府君守墓當是時府君子身畱長沙靜齋公官十餘年無寸田尺宅遺子孫府君亦隨宦十餘年囊書外無長物三年之服未闋而已無以爲家矣攜母氏暨不孝騏寄居湘潭之碑市碑市故抑齋公里

大瀉山房外集

卷九

五

也與公兄太史賓門公同宅賓門公於親串子弟少許可獨才府君府君博聞強識於書無所不通爲詩文構思最捷唐陶山先生哭府君詩云一夕和成詩百篇蓋紀實也前後藁多散軼所存惟燕臺歸草及碑市作中間一游粵一游鄂三游蓉江各有游草蓉江卽通道也詩以千計者三詞以百計者亦三他雜文如詞之數而軼其半都爲一集所謂大瀉山房藁也府君居碑市凡八年生不孝騏及女弟一適善化今禮部主事唐業謙章住恭人白都門至浙江府君馳三千里往候起居適任司馬昌基官玉環廳招府君往九月二十七日以疾

終應署時乾隆五十年乙巳也越三歲始以喪歸卜葬於本邑四都北山彎之原府君九歲失恃章佳恭人年十七爲府君繼母性嚴峻責以掌跪受之母氏待恭人時猶及見也恭人之入都門也以北人不慣南居母家親皆旅籍欲往依焉府君泣留不可泣求隨侍又不許旣已無如何送恭人行後詣業師文栗齋先生抱膝而哭曰湘南不孝有母不能養何以爲子先生太息久之後十年先生來陪府君之喪追述如此在通道及碑市每逢歲時慶節與章佳恭人誕日已身初度日家人歡笑宴飲之會府君每於無人處面壁獨坐涕泣後時凡

大瀉山房外集

卷九

二十九

此皆不孝等聞母訓而知之者至於詩人嗟吧之思在府君集中不可枚舉撮其一二如述哀云邇年暫屏息家庭慘分離母意非所願罪厯實在兒春暮云去住書難到存亡夢未真五年癡獨意瞻望一傷神思母云板輿北去已三年寄廡零丁祇自憐羹肉幾從堂上遺絲襖何時慰兒志孤雲一望一潸然凡此皆不孝等讀遺藁而知之者栗齋先生題遺藁後曰文生於情風騷樂府大抵皆忠臣孝子鬱悒無聊之所爲作也文章不本於忠孝雖都華廡享大年著書等身識者固所不取百

櫓以懇悃誠篤之思結爲抑塞悲哀之響距三千里而
遙隔七八年之久每飯不忘親之心橫見側出人子之
於生身毋庸或不盡然者卽使不能詩能詩而不盡
工亦當信於今而傳於後况工詩如石櫓者乎石櫓府
君自號也府君行事母氏所不及見者不能悉述不孝
等據實以求當亦畜道德而能文章者所樂許也嘉慶
十九年甲戌四月日世愚姪唐鑑填諱不孝孤本騏本
驥泣血謹述

大瀉山房外集

卷九

五

皇清例贈文林郎寧鄉縣學增廣生黃君墓表

賜進士出身通奉大夫護理陝西巡撫部院布政使司

布政使壬午科鄉試監臨官前江南癸酉科內監

試甲寅科同考官善化唐仲冕陶山氏篋并書

道光壬午夏五月寧鄉黃子本驥禮闈報罷游關中以
尊甫石櫓君行述求表其墓謂余輓詩曾有他日題君
墓門闕之句今距先君卒三十八年葬亦三十五年敢
以請余慨然曰微子言幾負吾執友矣爰次序其狀而
述吾兩人少長相於之篤以志勿忘君諱湘南字一吾
號石櫓以本貫入津門學補弟子員祖道恩乾隆丁丑

大澗山房外集

卷七

三

進士虹縣知縣父立隆乾隆癸酉拔貢坐歷官天津知
府母秦氏恭人君與兄孿生而兄瘍貌舊寤於行性特
穎異讀書十數行下爲文斐疊數千百言不倦嘗一夕
和余紀行長律百篇辭筆淵雋宗工推服然鄉舉輒薦
不售年二十九客歿於湖玉環同知署識者傷之君天
性醇摯人也事虹縣公天津公皆有深愛幼失恃事繼
母章佳恭人時其喜怒曲盡于道有人所難能者恭人
滿洲正白旗人天津公卒且葬恭人挈諸子赴都門命
君守墓君泣求侍養弗許先是君贅通道學博劉公元
煒齋眷歸長馭家赤貧仍依劉里宅讀書恆以未得奉

母爲悲見於詩詞者屢矣聞恭人自都赴澗君乃馳三千里候起居尋以疾卒若幸得省其母雖死無憾君奇才篤行中道摧折無所表見獨見諸文章撰著敏富不官收錄今其嗣哀集之得詩三千首詞三百首他雜文稱是都爲一集曰大瀉山房藁讀其書猶可想見其人也余之始與君友也天津公方守大名余以事至以年家子畱共君暨君堂兄長原同研席且應京兆舉同舟車邸舍詩歌間作誼至洽也余愛君真雖分張音問酬唱不絕訖於君卒有曹華者君舊僕及薄宦江南爲余儻從每追話住時分韻題襟之好未嘗不對之奈獻也

大瀉山房外集

卷九

三

今余年七十矣長原更名湘處尙宰長垣惟君音徽渺不可追君卒於乾隆五十年乙巳歲越三年葬於四都北山灣之原蓋自瀾歸櫬也君娶劉氏湘潭人有丈夫子二木騏嘉慶戊辰科舉人借補城步縣訓導本驥道光辛巳科舉人女一適善化禮部儀制司主事唐業謙孫二人劉孺人有鍾郝風以節孝

旌於門親課二子制行績學名於世二子能讀父書克成母志鬱積而發無疑也嗚呼由前觀之造物之所以隄君者何其酷由後觀之造物之所以報君者正未艾也余故表而出之以爲他日徵道光二年歲次壬午秋

九月壬申朔五日男本騏孫男邁迪勒石

大瀉山房外集

卷九

三四

皇清旌表節孝劉孺人墓誌銘并序

嘉慶甲子舉人湖南長沙府寧鄉縣訓導新化鄧顯鶴

撰

孺人湘潭劉氏通道縣教諭諱元焯之女寧鄉黃氏天津府知府諱立隆之子婦邑文學增廣生員諱湖南之妻也十九歲歸黃二十九歲而寡閱三十一年守土者以狀聞得

旌如例子本騏嘉慶十三年舉人城步縣訓導本騏同年副貢生道光元年舉人女適南陽府知府善化唐業謙孫邁迪孫女長適瀏陽拔貢生歐陽道濟次字湘潭

大澗山房外集

卷九

五

李氏以道光十年二月己卯卒於長沙寓宅壽七十五其年閏四月丁酉葬善化縣東鄉郝坡之原而新化鄧顯鶴誌其墓劉氏故湘潭大族其盛時厓官中外多通顯教諭君與其兄元燮元熙皆以文章氣節顯孺人生長名門習聞禮訓好讀書知道理歸文學一年遭天津府君之喪又九年文學歿於浙孺人以不及侍天津府君而繼姑章佳恭人復就其所生子淮養語及輒泣至是文學客死黃氏無田宅可家無期功之親可依倚文學旅櫬在數千里外孺人毀瘠漸死卒以其喪歸依劉氏二十年持筓績自給劉氏內外無尊卑疏近賢否

咸敬禪讓子嚴親授經小有過失必加呵撻稍長擇宿
德名才爲師友二子遂赫然有文譽已旣同舉於鄉奉
孺人居長沙且稍稍致脩餼復祿養矣無何本騏死歸
唐氏女亦卒本驥旅食四方孺人常獨處凡遇子婦喪
六積哀病足不良行居恆歎歎自傷本驥歸遂不復出
竭力侍左右以求博孺人歡而孺人遽卒或疑孺人報
不償德然觀古傳記所載賢婦人恩勤鬻閔之痛流離
顛沛之苦所遭有酷於孺人者今本騏雖凶文宋隱然
本驥內行純至篤學好修爲時名人所結識四方賢人
君子登堂拜母執禮甚恭其卒也自方伯連帥而下皆

大澗山房外集

卷九

五

有聘遣士大夫識與不識皆曰賢母賢母稱於古所稱
潔白之養仁人之粟者於孺人復何恨焉先是宋時長
沙孫頤著賢母錄蘇文定公爲序書久佚本騏以發名
成業由於母教補纂未竟而卒本驥續成之故海內讀
其書者皆知賢孺人孺人性沈毅而慈惠勇於爲義嘗
節損衣食以赴人急內外親以孤嫠貧窶來歸者爲長
養婚嫁無倦色無德容故其家食恆數百指本驥亦忘
其爲貧士也有秀水沈生者性狷介老而孤寄食逆旅
中嘗私於本驥病革泣語之曰余必死汝家本驥歸以
白孺人孺人曰義也且汝父以客死其忍負良友死生

之託急昇致之蓋闕三日而沈死本驥主其喪葬諸兄
墓之側聞者義之孺人能成子之賢事多類此其御下
嚴而有恩習於劉氏黃氏者以爲終身未聞呵叱聲及
喪孺黨皆哭盡哀是可銘也已顯鶴往交本驥於都門
自來長汝主其家與本驥謹尤篤孺人以子畜之故顯
鶴亦得以母事孺人本驥所後子迪於其葬來請銘顯
鶴昔嘗銘孺人之子婦孺人謂其言慎其敢辭謹序而
銘之銘曰

自余爲鮮民兮每羨他人之有母嘗三主於吾友兮愴
孺人之我拊生既貽其徽音兮歿思鑄以貞珉惟聖善

大瀉山房外集

卷九

七

之膏祐兮將何以風動夫斯人矧余生之汶汶兮况能
以其言傳吾友之親亮孺人之有賢子兮當不委滅於
荆榛仰綽楔之崇嶺兮憑芝竈之安岡卜碩大而蕃衍
兮慎納辭於邱墓

